



03624



新安為郡在萬山中風氣淳樸范實直自宋迄  
明名臣范挺生相望大抵敦節義尚經術發為  
文章崇實去華優於理趣而畧於辭藻程瑩墩號  
稱作者所纂新女文獻上下數百年體裁若一蓋  
先民矩矱世世相承不遷於風會而然也明中葉  
以還稍稍漸涵時尚一房汪伯玉之倫雖有  
盛名體格變矣歛縣吳子楞香高才績學登上第  
入詞林勤於職事清望蔚然累遷國子祭酒盡釐  
積弊剛介無私屢有建白悉稱

上意駸駸一用以母老告歸閉戶著書足跡不涉

北黟山人詩

序

十一

公府砥節一行沒身不怠君子人也文辭亦雅健  
稱其為人往余分校禮闈閱其文知其邃於經術  
亟薦拔之及在禁林數見其撰述典重春容有原  
有本粹然儒者之言今沒而其子將刻遺集問序  
於余因得盡閱其詩大都意勝而輔之以辭情深  
而會之以境高朗峻潔文質相宣舉世俗纖浮佻  
肆之病皆無依然文獻所錄先正遺音而不屑  
與輒近名家爭妍鬪麗執持堅定槩可見矣黃山  
古名黟山高大甲江表純石而多峯剛稜而不媚  
吳子名其集曰北黟殆取以自況乎新安人之散

居他方者不乏才雋然習與地移居吳越則靡於  
吳越居淮揚則漸於淮揚居江楚則波於江楚華  
秀之風日啟真樸之意亦日虧有能嶄然自樹力  
追其鄉之先賢如吳子者吾見亦罕矣惜乎登朝  
不究其施著書未竟其緒而所傳止於是也爲雪  
涕書於簡端康熙壬午孟春舊史氏松陵潘耒撰

北黟山人詩

序

二

北豳山人詩目錄

卷一

潛虬集十九首

卷二

吳船集五十四首

卷三

蕪城集三十三首

卷四

黃山集二十首

卷五

北豳山人詩

目錄

花序和鳴集一百十二首

卷六

橋門集四十四首

卷七

將母集八十四首

卷八

擊壤集三十首

卷九

銷夏集五十首

卷十



聯句集七首

男  
瞻澳  
瞻秦  
瞻淇  
瞻原  
恭校

北黥山人詩目錄

北黥山人詩

目錄

二

北黟山人詩卷一

新安吳

苑

潛虬集

刈草

小築臨溪水竹木頗清疎求羊不時來叩我溪上  
閭維時方孟夏草長紛前除其勢將蔓延古道成  
蓁蕪清晨命僮僕次第揮斤鋤根荜雖深固掘之  
勿留餘一徑綠陰中起步行徐徐敢言直如矢庶  
覺心眼舒

二月十四夜梅莊看月二首

北黟山人詩

卷一

潛虬集

青皇將過半雨歇月明初我正憐良夜朋來慰索  
居林光驚睡鶴波靜見潛魚明日花朝是春江恐  
未如

久不見明月真如好友離纔看出雲岫旋已遍花  
枝應候邊鴻覺經春岸草知風光易流轉坐到夜  
深時

溪上桃花

泯泯溪流碧紛紛花蓋紅半山銜落日萬樹駐春  
風丹海此堪擬武陵何處通相看戎馬後獨爾昔  
年同

送歌者攝山叅學

自號半水道人

南山宣律在江南竹杖芒鞋一往叅應識慧能生  
戒定捫槌拍板勘瞿曇

但識聲聞即導師津梁何事問人爲不如從我旗  
亭飲重唱黃河遠上詞

附前題

瞻泰

縱向金尊對綺筵何殊飄泊水雲邊請看西域  
頻伽鳥但得音聞即是禪

自愛長松聽梵清一朝竟絕踏歌聲贈詩人去

詩長在幽咽空庭秋月生

道人善音律寄心禪寂先大夫贈詩有不如從我旗亭飲之句

北髡山人詩

卷一 潛虬集

二

蓋二十餘年矣歲庚辰道人捧前詩冊來謂將誅茅山中願求下一轉語泰應之而未暇也未數日先大夫見背道人亦同時觀化越明年始補二詩於後爲之傾涕累日

題古巖洗泉圖

頗笑當年陸桑苧名泉任意評寰宇未曾一涉新  
安江中冷錫山浪推許新安之水佳且多古巖一  
刹藏山阿徑山老宿曾卓錫汎泉從此開煙蘿雲  
霞日覆石罅裏鑿石方丈貯清泚年深日久塵垢  
積澄鮮一任隨流水王郎獨把松枝洗莓苔招友  
春深鼓興來移我茶鐺就石壁此泉不復憂塵埋  
前嘗如醴味莫比泉旁樹石更摹擬歸來拈毫作

畫圖泉聲沸沸絹素裏鳴呼萬斛塵襟一時滌誰  
謂王郎遭水厄從今但得日披圖何處征途不泉  
石

過汪于鼎文冶春草閣

吾廬枕溪岸君閣對松陰半里清風接千林翠靄  
沉鶯邊纔薄醉花底更長吟好句慚非謝池塘夢  
許尋

示芥庵僧

深林開士舍蒼翠接冬春往日豈無竹此中今有  
人鐘魚音自遠烏雀意何馴策杖溪邊立風光無

北豔山人詩

卷一 潛虬集

限新

送汪扶晨之廣陵三首

商飈入庭戶老桂發馨香試呼心所歡燒燭羅酒  
漿有客前致辭脂車適遠方宴會暫娛樂胡爲去  
故鄉蟬鳴高樹巔蛩語砌草傍俯仰情足悲別離  
意滋傷行行勿復道山月獨相望

別多成白首行役忘惆悵昨夜秋風起白雲飛嶺  
上驛樹無靜柯落葉一天颺解饑摘山果慰寒貰  
村釀經過宛溪水髯公興彌王旅懷豁然開不知

幾酬倡

謂郝羽吉

到時秋未深尚有廣陵濤待子把酒聽選樓諸舊  
交去冬送子歸置酒集亭臯一時賦河梁十五國  
風騷今日重會晤豈不慰寂寥紅橋餘蕩花月明  
多清蕭故鄉不可見聊用解鬱陶

夏旱

去夏草木長霪雨動彌旬田疇遍涸沆禾稼同藻  
蘋今年梅雨時丘中坻如龜越陌復度阡桔槔羅  
湖濱夏麥秀不實秧田如未春菀柳欲黃落枯魚  
困黃塵耕犢反休息布穀鳴空頻雨暘不恆若農  
夫多苦辛辛辛安敢惜荷戈還有人

北豔山人詩

卷一 潛虬集

四

雨

久旱朝看山濕雲翳其巔亭午散復聚似有雷填  
填急風吹我裾恍若飛流泉大雨添晚漲激湍起  
深淵萬綠覆古澗枯壑聲潺湲游鱗戲波上蒼鳩  
鳴屋邊滂沱兩晝夜簑笠遍前川田家樂霑足苗  
色何新鮮嗟我無良疇也願降豐年况復麥有秋  
我饑庶得蠲移牀置北窓涼月高枕眠

送王叔夏之吳陵

末季士能賤誰復能甘貧苟可叨升斗營營忘其  
身梁肉慚藜藿輕肥愧結鴉所悅惟紛華終難葆

其真自悔身爲客失計常依人君能耽寂寞何事  
發茲晨曰爲將母計鼓櫂問海濱香風來水花扣  
舷佳景新窮達一惟命高歌徹蒼旻

溪上晚步

日夕罕疇侶曳杖步水湄因欲窮五岳家園反忘  
竒豐水繞我廬清可鑿鬚眉游鱗衝波上風定亦  
連漪水石白無盡隄松青過溪翹首矚黦山峰峰  
與天齊返景一明滅彩翠紛離披

游古巖

野寺藏幽壑秋深古木疎不開大曆詔誰識徑山  
北巖山人詩

卷一

潛虬集

五

居絕巘依巖秀甘泉出石徐未須桑苧品足補鄜  
生書

題洪谷一大叅白雲廬居圖

白雲不出岫瀾漫空山中有古孝子手自營丘  
封嶽羗連松柏肅肅來悲風廬居近三載哀吟半  
畝宮白鶴巢其林紫芝產其叢至孝多感格於理  
實凡庸天子方孝治行當議秩宗况復蒼生望  
引領東山東從來至性人移孝可作忠勿徒戀故  
山雲裏思音容

程非二汪貞明扶屨過青芝草堂話別

欲發孤征棹三君就草廬  
達青浮戶牖衆綠蔭階  
除留客殘春鳥充庖  
新漲魚酒酣歌古調別思越  
江虛

北豳山人詩卷一終

北豳山人詩

卷一

潛虬集

六

吳船集序

士君子爲詩必出於性情之真而其言始深厚  
至使讀者慨然有所感動如見其爲人然後其詩  
不可磨滅垂之久遠而愈足貴顧非同於雕章飾  
句徒爲色澤者灑焉而易盡也鱗潭先生著作甚  
富其詩十數種總名曰北黟山人詩吳船集集中  
之一也先生當甲寅閩寇之變徽郡蹂躪家盡破  
生計蕭然會公車道出吳門太守高公蒼巖素相  
善遂款留之其間翫遊山水賓朋贈荅以及家鄉  
別離之感庭闈眷戀之私無不形諸吟咏其爲言

北黟山人詩

卷二

吳船集序

深厚薦至類皆出於性情之真以視雕章飾句者  
奚啻霄壤耶時先生將北去而高公忽捐館負帑  
金十餘萬幕友親知懼連及皆星散先生行客耳  
聞之哀傷流涕獨襍被入其署代爲清算請之大  
吏廼開除強半并經理其喪歸而先生困乏至不  
得行聞者咸嘆服高義爲不可及云余嘗觀先生  
生平行事皆本于性情之真非有所矯飾者故其  
著之於詩與其爲人無或異也是集在吳而作因  
名吳船余特爲表其在吳之軼事可因以見其爲  
人者後之人讀先生詩如見先生之爲人則所謂

垂之久而愈足貴者謂先生之詩也可即謂先生  
之人也可康熙壬午季春石浦姻弟黃六鴻序

北野山人詩

卷二  
受船集序

二

北豸山人詩卷二

新安吳苑鱗潭

吳船集

別友

道路頭欲白還復辭  
甕牖豈不戀親知  
饑來迫奔走輕開漲  
後航灘險竟忘陟  
家山一為別那復計  
暫久皎皎桐江月  
鬱鬱蘇隄柳生涯  
逐扁舟景佳人老醜  
雲水幾千重何時復  
攜手

出門

報劉日已短行役母  
吁嗟淶水東游客白  
雲南望

北豸山人詩

卷二 吳船集

家泪從樽裏酒愁寄  
雨中花愧爾羣投贈  
新詩補  
黍華

曉發

布颿疊步起從此別  
家初岸曲綠危石沙  
明數細魚夢魂今日  
遠酩酊昨宵餘羨殺  
中流鳥雙雙得自如

鐵沙港

曲折出驚流何年鐵  
鑄洲一篙纔轉手亂  
石復當頭勢咽東西  
岸聲喧上下舟行人  
安穩甚倒影狎

沙鷗

舟中雨

欲攬川原勝其如細雨迷帆從雲際出城傍水邊  
低漁父忻操網田家早負犁富春山萬疊何日一  
攀躋

富陽贈倪晉如

舟艤富春渚人尋高士居繁陰生竹木空翠溼琴  
書地僻能忘世江深直到廬遠行舫小憇繫纜任  
徐徐

餘杭道中

鼓棹富春水勞勞又入山人行深竹裏路轉嫩桑

北豳山人詩

卷一

吳船集

二

間曉月照前路荒煙橫野灣何時能息駕觴詠日  
開顏

採桑詞

江南三月採桑時大婦提筐小婦隨未盡沿河幾  
十樹却先歸去飼蠶饑

青青桑葉滿河塘戴勝來時日漸長隣女一時齊  
舉手摘來珍重比明璫

屋角柔桑樹正低春風披拂葉俱齊難拋手裏青  
絲籠林外聲聲去聽鸝

歸來落日半林紅女伴相尋逐曉風底事三春無

刻暇新絲二月早輸公

過太湖

昔聞洞庭山未涉太湖水春帆今日開壘瀾百千里四郡列周遭雉堞隱葭葦森森寒日白輭殼疎羅起晴光倏明滅峰巒互青紫不辨縹緲峰莫釐何者是但高若螺髻或橫如列几山不厭纍纍水不厭瀾瀾飛鳥怯羽翰潛蛟託居止遙天浮水面孤雲沒水底蒼茫海氣通日月出其裏鐵笛響漁舟歸橈各趨汜身願寄漁洋長作垂綸子

燕子行

北豳山人詩

卷二 吳船集

三

春風澹蕩春柳綠燕子銜泥巢舊屋雕梁入夜雙雙宿閨人獨自燒紅燭一年一度燕來飛郎去三年何日歸

白公堤

首夏清和過半塘白公堤上炫新粧千年甃石江雲遠七里人家菰葉長檀板金樽侵曉月香車驕馬趁陰涼登臨憑弔香山老虎阜鐘聲斷客腸

五人墓

把酒臨風酌一卮九泉生氣繞蒼碑寒松影散山塘雨壯士魂歸忠介祠白馬敢言隨伍相青烏常

幸傍要離窮竒朽骨今塵土快爾芳名日月垂

高蒼巖使君署齋作

畫戟風清花影移煩囂消散鶴長隨幸遭涼雨開  
文讌名列蘇州刺史詩

夜雨

今夜長洲雨無端來百憂懸燈四壁暗卧簟一宵  
秋野袖難排悶村醪不解愁庭前桐樹葉滴白五  
更頭

不寐

竟夕難成寐草蟲吟不休客床偏見月羈夢易驚

北豳山人詩

卷二 吳船集

四

秋故國未收甲深閨空倚樓遙憐思遠道幾度別  
殘篝

夜雨懷舍弟

芳樹啼春去布穀鳴田野饑驅背鄉縣蘇臺聽暮  
雨西望黃山雲片片渡河渚如何我兄弟不得共  
居處昨夢阿霞書高堂念行旅自別富春江適吳  
賃何廡故鄉饒盜賊恐懼莫可數饑兒向壁啼索  
哺怨無脯阿三病霍然阿四學灌圃未竟尺素書  
簷溜驚夢緒側聽雞無聲蕭滅夜正午佛龕火熒  
熒猶疑照毫楮字字鶴鴿詩追憶如茶苦幾時罷

干戈耦耕還樂土

彌羅閣眺望

高閣俯城中晴光處處通書空傳越絕地自屬吳宮  
征鳥依林末游雲貯海東登臨無限意都付與江楓

懷梁輿若芷公兄弟

紅橋追昔分袂時堤上檉柳長絲絲我依南雁瀟湘  
去旋返鄉園聽鼓輦日薄西山報劉短欲賦達遊心  
未敢勞君南矚天都雲惠我瑤華情款款今君兄弟  
入長安欲寄音書斷羽翰關河兩地成脩阻絡緯鳴  
秋雨寒

北豳山人詩

卷二

吳船集

五

贈僧東白

禪室遠塵俗高談清客心纔揮玉麈尾更鼓焦桐  
音蘭葉引晨露竹叢生暮陰買山何用遠此地足  
幽尋

寄舍弟

一帆過吳會兩月苦離羣客夢春塘艸鄉心日暮  
雲高堂念行役諸弟望殷勤尚鼓邗江棹歸期未  
敢聞

懷栗亭

帆掛錦帆涇陶孟夏裏風雨邈關河日暮鱗雲  
起所思不可見相別幾百里永夜把君詩光怪照  
棊几菱花滿雷塘明月下江水名流相贈答文采  
散如綺嗟我獨離羣吹簫向吳市

田家

苦菜尚能秀菰葉尚能長田家望薶麥晨夕阡陌  
上連雨天地昏蛟龍入村黨水波撼樹巔門巷盪  
雙槳縣官遣吏來夏稅當輸帑秦楚與閩粵四郊  
方擾攘軍興緩須吏詣庭受大杖卑辭叩縣吏水  
深失平壤非不急公家麥苗盡漂蕩三日未食糜  
北豳山人詩

卷二

吳船集

六

舉室魚蝦養公人遠來饑少坐待舉網公人出門  
去滿目遍沆漭無麥遂無禾秋糧將安仰

行路二首

行路非無車渡河非無船有車莫可挽有船莫可  
牽昔聞有好女顏如初日蓮朝出浣溪上同輩思  
並肩一旦入宮中蛾眉盡失妍天子不好色秋風  
徒自憐若爲惜年華端坐理鳴絃

飛鳥投遠林林辭少高柯枯魚縱微壑壑告非江  
河失計在依人何若藏巖阿山蕨採未遍泉水汲  
還多春風拂楹戶秋月掛烟蘿以此終朝暮任彼

歲蹉跎不問門前路崎嶇奈我何

虎丘雜詠

可中亭

夕  
生公不可見空亭只危石幾樹老無花雲霞共晨

鶴澗

表  
孤鶴何年去古澗唯啼鳥月夜天風來猶疑降華

劍池

劍去存劍池光芒夜微吐壯士過池邊衝冠髮猶

北黟山人詩

卷一  
吳船集

七

怒

千人石

暮  
一片千人石當年歌舞處丘壑散繁華烟靄蒼蒼

望海樓

浪  
仙人好樓居三山望海上旭日萬山紅魚龍鼓波

短簿祠

知  
一片青山宅千秋主簿祠瓦墻紅樹近人物白雲

許墅道中

澤國正多雨輕舟翦暮烟幾家存蟹舍五月少秧  
田漸近梁谿路迴瞻虎阜巔茫茫百端集綠浪白  
鷗前

雨中感懷

已是清和月蕭蕭暮雨寒流泉生樹杪飛瀑落簷  
端兀坐晨昏濕羈愁道路難出門徒悵望有缺向  
誰彈

夜坐

晚鐘聞寺近微月倚簷端樹靜影還亂雲閒風欲  
北豔山人詩

卷二

吳船集

八

殘離家千里遠爲客五更寒不敢不沉醉恐增鄉  
夢繁

姑蘇臺偶感

古今重佳人豈盡傾人國西施老浣紗吳終爲越  
得麋鹿游姑蘇誰謂脂粉失不聞楚入越楚曾歸  
美色不聞秦滅楚秦仗女戎力世更無西子興亡  
二十一歌舞艷春秋時命良嘆息憑弔舊吳宮雲  
深月正黑

錢宮聲招游靈巖雨甚不得登山

爲愛胥江好輕帆擘野烟小橋留客眼舊館蔽山

巔驟雨午鐘濕飛泉秋樹懸謝公屐未著逸興亦  
悠然

感懷三首

嶧山有桐樹青青長獨立百尺更無枝雲霞日蒸  
浥時有風雨催不肯稍歇側威鳳去高岡淪落孰  
相識安得斲爲琴一旦登天室將致神人享詎供  
太師職徒思鍾子賞但遇巴人叱緬彼南風歌千  
載爲心惻

黃鵠舉千里安肯入樊籠良驥志千里鹽車乃相  
從卓卓湖海士自稱萬夫雄如何凌霄姿雲路莫

北黟山人詩

卷二

吳船集

九

與通晞髮朝陽前緬懷黑頭公已矣安時命月照  
夜窓松

家住練水湄黃山常矚目蓮花聳天表天都更高  
矗雲生山骨藏雲去山影綠晨夕恣徘徊尋真任  
幽獨胡爲向市廛周旋日碌碌觸熱到人家未語  
氣先促貧賤世所憎自顧慚童僕山水待人歸甘  
心學樵牧

同高蒼巖使君游兩洞庭山二首

震澤涼風淨俗氛漫漫天水渺難分諸峰羅立都  
非岸一棹蒼茫半是雲荻浦葉低秋露濕桂叢花

發夕陽薰誰知五馬行春客翻與浮鷗喜共羣  
攜筇先陟洞庭東回眺層巒烟靄中到處農莊圍  
野水幾村漁艇任天風人穿樹影鬚眉綠霞作湖  
光浦溆紅爲愛莫釐峰頂坐征鴻嘹唳響秋空  
從西山至鄧尉曾青藜招過朝元閣看桂

荒原叢桂一時秋高閣香風暫許留幽谷何須招  
隱士菟裘今擬作糟丘開樽多半憑花坐放棹還  
須秉燭游鄧尉山前看不盡千峰欲下水光浮

秋風行

秋風颯颯捲木葉江南野老淚盈睫有司遣符入

北豳山人詩

卷一

吳船集

十

山來丁丁伐木造舟楫深山大谷產槎枒千霄蔽  
日籠烟霞林幽疑欲棲神鬼幹老真見蟠龍蛇一  
旦軍興令伐樹白日黯淡塞黃霧百人一株肩到  
船縱傷財力那敢訴山頭老樹影亦稀大官猶嗔  
圍徑非天地若識樓船急應教日夜長重圍樹不  
十圍等樗櫟野老對樹如對敵有樹須令盡斫根  
明朝吏到無指摘

韓蘄王墓二首

不將身裹革明哲羨蘄王太息和非策當時事可  
傷跨驢拚偃蹇縱酒任徜徉日暮荒原上悲風起

白楊

天心已厭宋戰鼓  
誤江干血任千年碧  
心留一寸  
丹曉風蕭艾  
綠斜月管絃殘  
念昔興亡事  
英雄膽尚寒

立冬夜曾青藜過寓齋飲分得高字

客裏秋初盡  
門前月正高  
菊殘還帶蕊  
蟹老好持螯  
良夜催沽酒  
新寒感贈袍  
爲懷難此際  
各欲上歸舫

又得前字

懷今兄庭聞舍弟接霞

良朋當好景  
何事各凄然  
淚向喉間忍  
心同暗處

北豳山人詩

卷二 吳船集

十一

憐鶴鴿遺恨遠  
鴻雁尚飛前  
脩短緣何故  
含悽共問天

寄施愚山大叅

黃山界宣歙  
神仙爲窟宅  
間氣何所鍾  
一代文章伯  
氣誼薄雲霞  
高懷寄典籍  
我昔游宛溪  
公時宦蒙嶧  
及公歸黃山  
饑驅我他適  
廿載竟神交  
緬想勞夙昔  
今秋讀公詩  
殷勤念行役  
涼風起吳江  
楓葉暮  
撼撼翹首故鄉山  
空懸萬尋碧

題凌蔚侯有懷草堂四首

東山太傅舊湖莊  
爲翦荒榛置艸堂  
傍宅魚龍連

海戲沿堦樹木拂雲長  
糟丘營就春無日  
慈竹栽成夜有霜  
我捧遺書難卒讀  
與君相對兩神傷  
別開池館近湖濱  
原藉幽棲慰二人  
春月盈庭親已沒  
秋風半榻夢疑真  
畏尋隣曲談前事  
長念留貽媿此身  
一展蓼莪腸一斷  
却書小宛愴昏晨  
小築常依淥水涯  
邨居日日飽魚蝦  
解憂難遇中山釀  
消渴惟烹顧渚芽  
四壁綠陰三徑竹  
半簾紅影滿庭花  
不知帶甲橫江漢  
雞犬桃源自一家  
任俠少年多慷慨  
似君湖海擬元龍  
酒酣引客看長劍  
歌罷尋花策短筇  
自有珠光射霄漢  
不教璞彩隱田農  
欲開萬卷三冬足  
閉戶如今且種松

北黟山人詩

卷二

吳船集

十一



